

Landesbibliothek Oldenburg

Digitalisierung von Drucken

**Sebastiani Castellionis Sacrorum Dialogorum Libri
Quatuor, Quos Postremo Ipse Recognovit: Argumenta
Singulis Dialogis Praeposuit, Et Sententias Sublicit ...**

Châteillon, Sébastien

Francofurti, 1761

VD18 12886300

Balsasar.

urn:nbn:de:gbv:45:1-18303

tar & evertatur, ut illius facinus memoria & nomine loci notetur. Nam præter hunc unum præsens ac salutis præpotens Deus nullus est.

SENTENTIA.

Maxima pars mundi homines magis metuit, quam Deum. Mori satius est, quam simulachra colere. In justissimum quemque gravissime fœviant Principes hujus mundi. Deus suos novit vel ex mediis flammis eripere. Pii patiendo vincunt.

BALSASAR. Dan. 5

ARGUMENTVM.

Accersitus ex matris consilio a Balsasare Babyloniae Rege Daniel vates, ei legit & explanat scriptum manus in pariete, quod Chaldaei non potuerant.

Balsasar, Regina, Daniel.

Nullum ne esse e vobis, qui hoc legere & explanare possit? O homines ad nullam rem idoneos. Quid attinet vos in tanto honore esse, si cum maxime opus est, tum minime potestis? R. Regem multum diuque salvare jubeo. Audivi, ut tu te crucies & astutes, quod nemo possit tibi hoc scriptum enucleare. Sed ne te afflcta, neve tantopere pertimesce. ^{a)} Vir est quidam in

^{a)} Mirum est, Danielem Balthasari non ante omnes divinos venisse in mentem, præsertim ab ipsius patre sic honoratum. Sed sic est: falsi vates aulas sic occupare solent, ut verorum aut nulla aut certe sera fiat mentio.



in tuo regno, mente sanctissimorum deorum præditus, cuius excellens perfectaque doctrina, peritia, sapientia tempore patris tui cognita perspectaque fuit, quo nomine Rex, eum magorum, ariolorum divinorum, Chaldaeorumque magistrum esse voluit, quod cum Danielem (nam ist est ei nomen, quanquam Rex Balthasarem nuncipavit,) compertum esset singulari ingenuo & prudentia valere, inque somniis interpretandis, ambiguusque aperiendis, & obscuris declarandis longe alios omnes antecellere. Proinde si me audies, eum evocabis, ut te ista difficultate liberet. *B.* Eacetur sane. *R.* Mox aderit, ne trepida. *D.* Adsum tuo accersitu, o Rex. *B.* Tunc es ille Daniel; ex captivis Judæis, quos meus pater huc Judæa traduxit? *D.* Etiam. *B.* Audio te afflatus augustissimorum Deorum agi, scientiaque & prudentia atque sapientia facile principem esse. Eam ob rem te advocavi. Sed quam ad rem, audi. Cum hic lâte solutoque animo opipare convivarer, una cum mei regni optimatibus, ecce extitit quædam quasi manus, quæ digitis inscriptæ in tectorio parietis e regione candelabri, & quæ tu vides: ad quæ explicanda evocavi omnes Babylonios sapientes: sed eorum nemo non modo interpretari, sed ne legere quidem potest. Te autem accepi implicata evolvere, & obscura optime declarare posse. Nunc itaque si potes hoc legere, & mihi quid sit, eloqui, purpura & aureo torque insignitus, tertium regni principatum obtinebis. *D.* Tua tibi dona habeto, aut ea alli lar.



largitor. Ego tamen hoc scriptum & legam, & tibi planum faciam. Itaque ades animo, o Rex! Nabuchodonosori patri tuo olim largitus est Deus magnificum regnum, splendoremque egregium. qua de causa omnes eum gentes & nationes trepidi metuebant: quippe qui quosquinque visum erat interimeret, cæderet, efferret, deprimeret.
 b) Sed cum jam secundis rebus elatus, intemperanter superbiret, & animos tolleret, de solio perturbatus est: & omni splendore amissus, ex hominum confortio ejectus, c) tum in brutam natum sensumque translatus, inter feras habitavit: & herbarum pastu, boum ritu, delectatus, ventos imbresque, & omnes naturales cœli mutationes nudato corpore pertulit, donec tandem recognovit summum illum Deum, terrestris hujus imperii Principem esse, & ei, quem vellet, præficere. Tu quoque Balsasar, qui es ejus satu editus, nihilo te modestiorem præbuisti, d) cum tamen ea omnia præclare scires: Sed te contra cœlorum Dominum insolentius gessisti: & nunc vasa terrestria ejus domicilii proferri jussisti, quibus tu tuique proceres, & uxores, tum justæ, tum concubinæ, in bibendo vino abusi es sis. Quin etiam Deos celebravisti aureos, argenteos, æreos, ferreos, ligneos & lapideos, qui neque cernunt, neque audiunt,

b) Rebus secundis superbunt homines.

c) Æquum est, ut qui se supra hominem effert, is infra hominem amandetur.

d) Qui æquum novit, nec sequitur, is graviore pœna dignus est.



audiunt, neque sentiunt: Deo autem, in cuius manu tua vita & facta omnia sunt, nullum honorem habuisti. Quare ab eo missa est haec manus, cuius scriptum hoc est: Mensus est, mensus est, ponderavit & divisit: Sensus autem: Mensus est: mensus est Deus tuum regnum, & id consummavit. Ponderavit: ponderatus es in trutina, & inventus levior. Divisit: divisum est tuum regnum, Medis, Persisque distributum.

SENTENTIA.

Quum maxime opus est, tum minime juvant hujus mundi sapientes. Quum trepidat & nihil potest humana sapientia, tum maxime sese exerit divina. Qui alieno exemplo non sapit, is suo periculo maloque dignus est. Hominum imperia in Dei sunt arbitrio.

HAMAN. Ester. 7.

ARGUMENTVM.

Estera Regina Regi Assuero patefacit perfidiam Hamanis in Judæos, eanque ob causam Rex illum jubet in crucem tolli, ab eo ipso erectam ad tollendum in eam Mar dochæum Judæum.

Affuerus, Estera, Haman, Harbona.

Laute sane & prolike a te accepti sumus, Regina, uxor clarissima. Quamobrem roges iam, quidlibet licet, id rogatum feres. Dic quid petas:

